

Broj: 02C-6065-12/26
Sarajevo, 04.09.2026. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku, broj: 02C-6065-9/26 od 02.09.2026. godine, u postupku javne nabavke usluga – **Održavanje medicinske opreme proizvođača CANON/TOSHIBA, JN-88/26**, direktor Javne ustanove Opća bolnica „Prim. dr. Abdulah Nakaš“, donio je

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 02C-6065-9/26 od 02.09.2026. godine, za javnu nabavku usluga – **Održavanje medicinske opreme proizvođača CANON/TOSHIBA**, te se Okvirni sporazum dodjeljuje ponuđaču „**BERG**“ d.o.o. Sarajevo, ponuda dostavljena dana 31.08.2026.godine, za lotove:

1. LOT 1 - Održavanje medicinske opreme – CT CANON (CANON Astelion Advance) i CT CANON (CANON AQUILION 80 sa pripadajućim injektorom) - na period od 4 (četiri) godine u visini procijenjene vrijednosti predmetne nabavke, odnosno u iznosu od 920.000,00 KM bez PDV-a, a sa PDV-om 1.076.400,00 KM, kao jedinom i prihvatljivom ponuđaču.

Okvirni sporazum zaključit će se do navedenog maksimalnog iznosa, a pojedinačni ugovori će se zaključivati na godišnjem nivou za vrijeme trajanja okvirnog sporazuma, primjenom jediničnih cijena za preventivno i interventno održavanje i cijena norma sata servisera i dolaska na lokaciju tokom interventnog održavanja iz ponude izabranog ponuđača, u skladu sa uslovima utvrđenim tenderskom dokumentacijom i okvirnim sporazumom.

2. LOT 2 - Održavanje medicinske opreme – Magnetna Rezonanca (MRI) CANON ELAN 1.5 T - na period od 4 (četiri) godine u visini procijenjene vrijednosti predmetne nabavke, odnosno u iznosu od 600.000,00 KM bez PDV-a, a sa PDV-om do 702.000,00 KM, kao jedinom i prihvatljivom ponuđaču.

Okvirni sporazum zaključit će se do navedenog maksimalnog iznosa, a pojedinačni ugovori će se zaključivati na godišnjem nivou za vrijeme trajanja okvirnog sporazuma, primjenom jediničnih cijena za preventivno i interventno održavanje i cijena norma sata servisera i dolaska na lokaciju tokom interventnog održavanja iz ponude izabranog ponuđača, u skladu sa uslovima utvrđenim tenderskom dokumentacijom i okvirnim sporazumom.

Član 2.

Postupak iz člana 1. ove Odluke proveden je putem otvorenog postupka nabavke, a za izbor najpovoljnijeg ponuđača korišten je kriterij „najniža cijena“. Ugovorni organ je u tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda konstatovano je da je ponudu za predmetnu nabavku dostavio 1 (jedan) kvalifikovani ponuđač i to „**BERG**“ d.o.o. Sarajevo.

U skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22 i 50/24).

U predmetnom postupku nije bilo nekvalifikovanih ponuđača.

Član 4.

Izabrani ponuđač „**BERG**“ d.o.o. Sarajevo oslobađa se obaveze da dostavi originale ili ovjerene kopije dokumentacije iz člana 45. Zakona o javnim nabavkama, obzirom da je iste dostavio uz ponudu.

Član 5.

Prijedlog Okvirnog sporazuma dostavlja se na potpis izabranom ponuđaču uz Odluku o izboru najpovoljnijeg ponuđača.

S obzirom da ugovorni organ nije u mogućnosti definisati ni tačnu ni okvirnu količinu predmeta nabavke, okvirni sporazum će se zaključiti na procijenjenu vrijednost, ali svi ugovori zaključeni na temelju okvirnog sporazuma zbirno ne mogu preći utvrđeni maksimalni iznos okvirnog sporazuma. Pojedinačni ugovori će se zaključivati po ukazanoj potrebi ugovornog organa u kojem će biti precizirana tačna količina i iznos pojedinačnih ugovora.

Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke sproveden je putem otvorenog postupka, broj tendera **JN-88/26**, a isti je pokrenut Odlukom o pokretanju postupka javne nabavke, broj: 02C-6065-1/26 od 01.06.2026. godine. Komisija za nabavku, imenovana je Rješenjem broj: 02C-6065-4/26 od 23.06.2026. godine.

Procijenjena vrijednost javne nabavke iznosila je 1.520.000,00 KM bez uračunatog PDV-a.

Obavještenje o nabavci broj 1125-1-2-229-3-376/26 objavljeno dana 15.07.2026. godine na Portalu javnih nabavki, a sažetak obavještenja objavljeno je u „Službenom glasniku BiH“ br. 50/26 dana 17.07.2026. godine.

Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 02C-6065-8/26 od 02.09.2026. godine, Preporuku o izboru najpovoljnijeg ponuđača broj: 02C-6068-9/26 od 02.09.2026. godine i Izvještaj o radu broj: 02C-6065-10/26 od 02.09.2026. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno da je u predmetnom postupku blagovremeno primljena jedna ponuda i da nije bilo neblagovremeno primljenih ponuda.

Ponuda Ponuđača „BERG“ d.o.o. Sarajevo je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine (“Službeni glasnik BiH” broj 39/14, 59/22 i 50/24).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Amra Mulaosmanović, BA prava
Službenik za javne nabavke

potpisala:

Aldijana Ećo Ajkunić, BA prava
Šef Odsjeka za javne nabavke



DIREKTOR

dr. Ismet Gavrankapetanović

Dostaviti:

- **BERG d.o.o. Sarajevo ; berg.nabavke@berg.ba**
- Odsjek za javne nabavke
- Odjeljenje za tehničke poslove i investicije
- Odjeljenje za ekonomsko-finansijske poslove